

微生蓬茅陋質幸依昌運獲奉玄宗三洞龍章荷師陶而面授九清風檢藉天啓以心傳宜獨笑於雲林迥同流於塵網功无分寸過有湖陵尚涵育於皇靈俾緝熙於帝載濟人利物承德宜符凡有皈投敢忘關告今奉詞旨所盍上聞

宣詞

按如詞旨備極忱恂且等潔已朝无齋心拱極依虛无雲霞之座進元始雷霆之經銷設寶齋恢張瓊乾三成赫奕垂旌葆以飄揚九奏琳琅列惜花而容與玉炬燦虬龍之麗金缸騰鸞鳳之華圓璧輪誠方縉効款自今月某日為始崇建雷霆妙齋若干晝夜祈恩請命謝過殫誠願霖雨之霽霓救旱炎之苦惱恪施帝力曲就農功恩惟无上法王至真教主垂慈鑒睽省覽所陳勅勅靈寶官僚玄元曹馬雷司官將兩部神祇協力同心掃魔試於內外運元會道契靈識於人天今且等五炁安閉關泰定操存御達合神景於丹元啓奏感通靈光於紫禁園成膏雨甦濟炎

煩蒙如激切之忱允拜提攜之造明晨行道續更啓聞且誠惶誠恐稽首頓首再拜以聞

發願

- 一願乾坤明素
 - 二願氣象清玄
 - 三願聖人萬壽
 - 四願化洽八埏
 - 五願天垂甘露
 - 六願地發祥煙
 - 七願四時應候
 - 八願萬物生全
 - 九願家多孝悌
 - 十願國富才賢
 - 十一願齊功廣被
 - 十二願善瑞日臻
- 存神燒香
- 香官使者左右龍虎君侍香諸靈官當今日宿啓建壇之所自然生金液丹碧芝英百靈雷君交會在此香火爐前令且等學道得道求仙得仙齋官家福幽顯沾恩十方仙童玉女接侍蘭煙向來所啓速達徑御
- 太上無極大道至真三寶上帝
- 九宸帝君
- 出堂頌 引至幕
- 謝師
- 靈寶領教濟度金書卷之二百二十八

靈寶領教濟度金書卷之二百二十九

洞微高士開光救苦真人寧全其授靈寶通玄私教水南先生林重其編

科儀立成品

散壇儀

燒香頌

各禮師存念如法

宣衛靈呪

五星列照 煥明五方 水星却災 木德致昌 熒惑消禍 太白辟兵 鎮星四據 家國利亨 名列玉簡 字錄帝房 乘飈散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 與道合真

鳴法鼓二十四通

無上三天玄元始三炁太上老君召出且身

中三五功曹左右官使者侍香金童傳言玉女五帝直符直日香官各三十二人出出者嚴裝開啓玄壇天帝神君當君此間土地里域真官正神急上開啓且今奉為入意以今散壇行道願得

玉清道炁靈寶妙炁下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
臣所啓速達徑御

太上無極大道至真三寶上帝

九宸帝君前

請稱法位

具位臣某與臨壇官衆等今故燒香願以是
功德上為

天子王侯土地官長經籍度師及山林岩棲

學真道士同學之人九親門族天下人民蚩

飛蠢動一切衆生今故燒香皈身皈神皈命

無上靈寶至真自然大道九宸帝真乞丐原

赦前生今世宿罪重過得免離三惡之道五

苦八難九厄之中臣身得道真白日升天飛

行虛空侍衛道君道遠无上金闕七寶自然
宮殿永與道合所啓玄感上御
至真無極道前

禮方 坐轍

目法衆等至心皈身皈神皈命

十方無極大道太上靈寶天尊以今散壇解
席焚香禮懺臣聞玄壇建設祈精稔以潛通
丹笈恢張幸蕃登之曲暢靈願懽懽之力不
勝敵越之私既畢朝儀再拜卑悃猶慮臣等
望澤知愧涉水懷漸感儀自然莫罄對揚之

妙存念如法未符應感之玄懼貽玉律於女

青徒暢金科於大赤尚祈聖宥曲道愚蒙施

化雨以潤蒼生誓依惠澤扇玄風而提黃混

永奉宸嚴臣等志心稽首禮謝
無上至真三寶

三啓

三禮

重稱法位

具位臣某謹重誠上啓

太上無極大道虛無自然元始天尊太上大

道君太上老君昊天玉皇上帝高上神霄玉

清真王長生大帝東極青玄上帝九天應元

雷聲普化天尊九天雷祖上帝上清紫微碧

玉官太乙大帝六天洞淵大帝六波天主
帝君可韓司丈人天尊九天採訪使天尊雷

靈九司諸天省府東華西靈執職真衆洞天
福地四海四瀆溪澗潭洞主宰龍神社稷山
川城隍里域三界官屬一切真靈臣等芻狗
无知木雞未粹幸叨正化獲奉其乘佩八會
之瑤圖莫明玄妙振九光之琅策未究希夷

尚營塵棘以卑棲莫拊煙林而高蹈天恩春

育地禁海涵普輝主泰之愚功庸佐丘淵之

聖澤承符寅亮宣德生成今奉來詞載忘開
奏

宣詞

按如詞言備殫衷素臣等竭躬盡瘁志宣

勞營八陞以鋪張秀敷琅座崇十門而建設

中拱瓊臺遵九靈豁落之闕輅列御飛玄之

位絃繒効信玉壁投誠寶齋經按於雷霆玉

範壇昭於日月千枝焰馥煥神景於金華百

和膏芬羅靈光於瑤鼎自今月某日為始肅

建雷霆妙齋晝夜仰徽宸澤俯潤農功驅

早魘以除妖役神龍而降惠即懸蕉槁普救
早傷曲荷慈悲俯垂鑒映沾體塗足四郊多
河溢之聲捧腹舒眉十里慶泉流之喜嘉禾

遍綠良穀還青永无飢饉之憂允拜裁成之
 造以今雲鑄息響月馨收音荷滂沛於恩私
 已慶成於齋事天人欣幸遐邇交歡其有建
 齋之初上請三洞兵馬九天仙靈監齋衛真
 侍香護道山林條佐社稷神聰風雨職司雷
 霆將吏防禦壇席委有功勳禮拜進言功之
 表文加勳還賞乞準太真之典格進秩升班
 且等進止違科俯仰犯戒三官五帝慮黑簡
 之書懲九府四司懼玄編之糾過重析覆育
 庶獲生全所有表文謹當宣奏

宣表

發願

存神燒香

香官使者左右龍虎君侍香諸靈官當今巨
 散壇之所自然生金液丹碧芝英百靈眾具
 交會在此香火爐前令巨學道得道求仙得
 仙齋官受福幽顯沾恩十方仙童玉女接待
 蘭煙向來所啓速達徑御
 太上無極大道至真三寶上帝
 九宸帝君御前

出堂頌 引至幕
 謝師

靈寶領教濟度金書卷之二百二十九

正一天師清微弟子 洪百堅 製作
 道教學術資訊網站

靈寶領教濟度金書卷之二百三十 受四

洞微高士開光救苦真人竊真授

靈寶通玄私教水南先生林靈真編

科儀立成品雷建齋
合用

早朝行道儀

啓堂頌

各禮師存念如法

宣衛靈呪

青陽虛映耀日回靈神虎辟邪飛天流鈴

摧姦滅試馬魔東形九微回迥八威攝精

千真校錄三元蕩清左肅中黃右策六丁

七轉八合周旋天經聖化龜龜三通順行

慶雲流布合景黃庭事與道合真

鳴法鼓二十四通

無上三天玄元始三炁太上老君召出日身

中三五功曹左右官使者侍香玉童傳言玉

女五帝直符直日香官各三十二人出出者

嚴裝闍啓壇天帝神君當召此間土地里

域真官正神急上闍啓且今奉為入意以今

早朝建齋行道願得